

INUIT ATAQATIGIIT

Inatsisartuni



25. januar 2020

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

Naalakkersuisunut apeqqut:

- 1. Namminersorlutik Oqartussat pisortatigoortumik nittartagaanniittoq tusarniaanernik saqqummiisarfik høringsportali 2007-imi upernaakkut Inatsisartut aalajangigaat (imm. 56) toqqammavigalugu pilersinneqarsimanersoq Naalakkersuisut uppernarsarsinnaavaat?**
 - a. Aammalu: Inatsisartut aalajangigaat taannaa toqqammavigalugu Naalakkersuisut peqquneqarsimasut inatsisissatut, nalunaarutissatut il.il. siunnersuutit høringsportalikkut tusarniaassutigineqarneranni aamma ikkunneqartassasut tusarniaanermi akissutit tiguneqarsimasut?**
- 2. "Inatsisitigut najoqqutassanik, Kunngip peqqussutaanik, nassuiaatinik il.il. Namminersorlutik Oqartussani avataanullu tusarniaanermut najoqqutassat" august 2018-imeersuni maleruagassat naapertolugit tusarniaanermi akissutit tiguneqartut tiguneqarniariartut høringsportalimut ilinneqartassapput, kingusinnerpaamik ikkunneqartassallutik tusarniaanerup naammassineraniit ulloq suliffik siulleq. Najoqqutassat taakku suli atuuppat?**
- 3. Tusarniaanermi akissutit nittartakkakkut ikkunneqarlutik tamanit atuarneqarsinnasunngortinneqartarnissaat qulakkeerniarlugu Naalakkersuisut Siulittaasuat Naalakkersuisoqarfinnut ataasiakkaanut piunasaqalersaarpa?**

(Inatsisartunut ilaasortaq Sofia Geisler, Inuit Ataqatigiit)

Tunngavilersuut:

Sermitsiami allaaserisami 19. Januar 2020 saqqummersumi atuarneqarsinnaavoq tusarniaanernut akissutit Naalakkersuisut nittartagaanni høringsportalimut tamatigut ikkunneqarneq ajortut.

Tamanna ajornartorsiutaasoq Inatsisinut Ataatsimiititaliap Naalakkersuisunut kingullermik tikkuarppaa 2019-mi upernaakkut Inatsisartut ataatsimiinneranni saqqummiussami imm. 109 "Tamanut ammasumik tusarniaanerni ammanerunissap qulakkeerneqarnissaanik Naalakkersuisut peqquneqarnissaannik Inatsisartuni aalajangiiffigisassatut siunnersuut"-mi.

Tusarniaassutit nittartakkamut qaammatit kingulliit ingerlaneranni ikkunneqarsimasut misissuataarneranni takuneqarsinnaavoq tusarniaanerni akissutinik kikkunnit tamanit atuarneqarsinnaasunngortitsilluni pinngitsooratik ikkussisussaataitanerminnik Naalackersuisoqarfiit eqqumaffiginninnatik malinninngitsut suli arlaqartut.

Kissaatigivara apeqqutikka ullut suliffiusut qulit qaangiutinnginneranni akineqarnissaat.